



Khennen di zungen zo helvanen pezzarn

La "Guida per l'educazione al plurilinguismo con lingue locali" descrive il multilinguismo nell'area ladina dolomitica, mòchena e cimbra ed è arricchita da nove schede didattiche, utili per l'organizzazione di attività con studenti, laboratori e focus group che coinvolgano giovani e adulti per promuovere le lingue locali



Z lem in di lentar un di stattn bëkslt hërtä mearar, allz geat vürsnen un hërtä meararne

naige sachandar khemmen auzgevunet odar augelekk un, vor ditza, di prodékéte un di arbatn zo untarstütza

di mindarhitzungen un zo macha lem zung un lentar o mochan khemmen vornäügart, schaugante bia 'z izta gebëkslt di zung un di laüt bodase nützan. Zo tüana ditza mochtma seng, daz earst von alln, bazta vürkhint in di lentar boda khemmen geredet di mindarhitzungen un, dena, vorstian bazma mage pezzarn; vor ditza 'z djar 2021 izta khent gemacht dar suach CLAM (Cimbro - Ladino - Mòcheno) über

in mindarhitzungen lusérnesch, bërsntolerisch un ladinar. Est, haltante kunt vo daz sèll boda auz iz khent von disan suach, soinda khent zuargelekk meararne "schede didattiche" vor djunge un eltarne laüt: khlummane arbatn boda magatz khemmen vürgetrakk zoa zo khenna pezzar di zung, di laüt bodase ren odar bodase bölln lirnen un bazma mocht tiian zo sterchrase. Allz ditza iz khent

auzgedrukht in a khlumma puach boda hoatz "Guida per l'educazione al plurilinguismo con lingue locali - Proposte per il cimbro, il ladino e il mòcheno" gemacht pittar hilfe vodar Provìntz un vodar Universitét vo Tria, pittar arbat von profesör Cordin, Dell'Aquila un Ramallo un vodar diretören von ladinar Kulturinstitut, Sabrina Rasom.

R.P.

Di lestn bochan summar atz Lusérn



Ci si avvia verso le ultime settimane dell'estate di Lusérn. Una stagione piena di iniziative e manifestazioni come non si vedevano da anni, grazie al lavoro congiunto tra istituzioni, associazioni e comitati giovanili. Gli ultimi appuntamenti d'agosto sono stati la grande festa ATNEN 2023, organizzata dal Djungenkomitât Lusérn - Comitato Giovani di Luserna e l'incontro "Menhir a Luserna?" organizzato dal Centro Doc Luserna assieme al KIL con il patrocinio del Comune

In an stroach alle di sùmmar izta khent hergerichtet dar "Zimbar Vairta", boda hatt inngevank in weekend vodar Hailege Maria un, sidar a par djar, di djungen vo Lusérn gemen zo tüana zoa vürzotraga di traditziong pitt "ATNEN". Asò haür o, atz 26 von snitt, nidar in Spòrtplatz von Kulturverein Lusern, dar Djungenkomitât hatt augerichtet an schümmen vairta pitt drinn a "Caccia al Tesoro" boda di spilar hám gemocht süachan foto vo Lusérn ausgestròbet pa lant un dena soinda khent premiàrt di pestn foto von Foto-Contest. Allz ditza pittar schümma musik vodar

band Atomyka un von Dj Santoro, boda hatt gespilt fin in pon vodar nacht. Hërtä atz 26 in KIL di dokhtüren Cecilia Contarin hatt gezoaget alln soin studio au pa Menhir von Obarbisele. A studio gemacht in Obarbisele boda bart gian vürsnen in di månat boda khemmen un boda magat auzgram an groazan platz vo vor 5000 djar, gröazar baz dar sèll bobar seng hauztotage, augemacht von earstn baibar un männen zoa zo studjara in hüml un di stèrn.

Dar Nachtvogl

Hitz atz Lusérn o

L'Istat registra che nei capoluoghi di regione la temperatura media annua segna un'anomalia di +1,2°C sul valore climatico 1971-2000. In crescita anche alcuni estremi di caldo: +15 giorni estivi e +18 notti tropicali. La precipitazione totale scende in media di 132 mm sul corrispondente valore del periodo 2006-2015

In di lestn tang izta gest a groaza hitz, kartza barm vor Lusérn o. Di berme in ünsar länt iz gerift fin atti draitzekh grade... sichar, dar bintar bart khemmen palle un furse alle biar bartn hám åndre pensiare, ma bar

mochan schaung a drai nümmar zo vorstiana baz zo impaitanaz in di djar boda bart khemmen. In da gántz bëlt di lestn acht djar soin gest di bermarstn, anvête dar summar 2022 iz gest dar bermarste von lestn zbuantekh djar in Europa. In di vüchtzekh djar boda bartn khemmen di berme bartze hevan daz mindarste vo zboa grade, ma si magat rivan fin atti vünf grade o. Di nümmar vodar ünsar provìntz soin praticamente di gelaichan un ünsarne pèrng soin ná zo bëksla: sichar barpar hám hërtä mindar bazzar, mindar biodiversità,

S.F.

La lingua tedesca: una marcia in più per il mondo del lavoro

Alla lingua tedesca, "Dachsprache", ovvero lingua tetto, del cimbro, mercoledì 13 settembre sarà dedicata un'intera giornata di conferenze ed incontri, organizzati dal Centro Linguistico di Ateneo (CLA) di Trento

Bar bizzan alle ke khänen ren gerècht taütsch iz nèt asò dèstar, ma mocht stian au pinn oarn zo lega di börtar in djüst platz, khänense pintn gerècht - umbrómm atz taütsch makma machan gántz lange börtar zuarpintante a bort ná in åndar - un o khänen gerècht in klång

vodar taütschan zung. Ma khänen ren taütsch iz gántz bichte, 'z izzez vor da ünsar zung o umbrómm daz taütsch iz di zung bodaz helft zo macha naige börtar azpe biar un zo vorstiana bia 'z izta gebëkslt di zung. Daz taütsch iz bichte nèt lai atz Lusérn odar in da ünsar redjóng ma in da gántz Euròpa umbrómm 'z iz a zung boda khint genützt vil vor di arbat un vor di ekonomi. Zo vorstiana bia ná 'z iz asò un bazma mage tian zo lirnase gerècht, dar Centro Linguistico di Ateneo (CLA) vo Tria hatt augelekk an trèff boda

hoatz "La lingua tedesca: una marcia in più per il mondo del lavoro". Dar trèff bartze haltn atz 13 von herbestmånat, in setz von Collegio Clesio ka Tria; dar bart åhevan di ulve mòrgas un bart gian vürsnen in gántz tage, fin schiar di vünve un a halbez in tages. "Z bartnda ren o di profesör Jens Woelk un Ermeneigildo Bidese un di profesören Federica Ricci Garotti. Nemmen toal iz frai, tüat innschraimse attn sito vodar Universitét vo Tria.

E.v.K.



Istituto Cimbro
Kulturinstitut Lusérn
Tel. 0464-78.96.45
info@kil.lusern.it
www.istitutocimbro.it

ARTICOLO NELLA VARIANTE
CIMBRA DELLE VALLI DEL LENO

Attila un di Zimbarn

Esattamente 350 anni fa, nel 1673, Michel'Angelo Mariani, considerato un capostipite dell'etnografia in Trentino, scrisse che nelle Valli del Leno si "parla da Hunno", ossia la lingua degli Unni, l'antico popolo guerriero del re Attila

In djar 1673, vor djüst draihundartvützekh djar, dar faff Michel'Angelo Mariani in Tria hatt geschribet in soin puach, ke di laüt in Prànttal (Vallarsa), Trumelays (Trambileno) un Laim (Terragnolo) ren "Hunno", di zung vo dar khunig Etzel (Attila). Dar schraibar hatt net gebisst, ke in Laimpachteldar anvetze ren azpe biar, ünsar zimbar zung. Dar faff Francesco Lunelli, o in Tria, in djar 1844, vor schiar hundartachtzehk djar, hatt geschribet, ke in Prànttal, Laim, Folgràit un Lavrou lem „fremme laüt“ („popoli stranieri“). Anvetze dar faff Francesco Tecini, in djar 1821, vor schiar zboahundart djar, hatt geschribet, ke di laüt in Laimpachteldar, bia alle di laüt vo zimbar earde, dahùam ren taütsch un in schual ren atz belesch.

Sa vor djüst sibanhundartséchzehk djar, in a briaf vo 25 hochnach 1263 steat geschribet, ke in Laim soinda viare höff: zboa „ad Prunue“ (prunn, haüt hoast 'z länt „Pornal“), ummaz „a Puschstal“ (Burgstall) un ummaz „al Kornal“.

Prof. DDr. Hugo-Daniel Stoffella vulgo Menlo